



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2026-yil 7-yanvar

№ 1/2

Toshkent sh.

Ijro intizomiga qat'iy rioya etilishini ta'minlash, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosi 2025-yil dekabr oyi yakunlari, 2026-yil yanvar oyida bajarilishi lozim bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish, topshiriqlarning ijrosini o'z vaqtida, samarali va to'liq hajmda bajarish yuzasidan rahbar-xodimlarning shaxsiy mas'uliyati va javobgarligini oshirish to'g'risida.

Vazirlik hay'ati qayd etadiki, 2025-yilning dekabr oyi davomida O'zbekiston Respublikasi Prezidentining 2021-yil 10-fevraldagi PF-6166-son va 2025-yil 25-iyuldagi PF-117-son Farmonlari hamda 2021-yil 31-maydagi PQ-5132-son qarori asosida ijro intizomiga qat'iy rioya etish, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini ta'minlash borasida qat'iy tartib, intizom va tizimli nazorat o'rnatilib muayyan natijadorlikka erishilgan.

2025-yilning dekabr oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlarni 25-dekabrga qadar ijrosini ta'minlashga qaratilgan I-II-kartoteka topshiriqlar ro'yxati 11-noyabr kuni, vazir o'rinbosarlari kesimidagi Kalendar reja hamda "Yo'l xarita"lar ishlab chiqilib, Vazir imzosi bilan eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

Vazirlik markaziy apparati yig'ilishlarida hamda har haftaning dushanba kunlari Vazir huzurida o'tkaziladigan yig'ilishlarda O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlarning 40,0 foizini 10 sanaga qadar, 70,0 foizini 15 sanaga qadar, 90,0 foizini 20 sanaga qadar hamda qolgan barcha topshiriqlar ijrosini 25 sanaga qadar 100,0 foiz qilib ta'minlash bo'yicha muntazam ravishda tegishli ko'rsatmalar va topshiriqlar berilgan.

Buning natijasida, hisobot davrida qat'iy tartib, intizom va tizimli nazorat o'rnatish hisobiga "Ijro.gov.uz" tizimidagi O'zbekiston Respublikasi Prezidenti Administratsiyasi rahbarining 29 ta topshiriqlari hamda Vazirlar Mahkamasining 72 ta topshiriqlari ijrosi to'liq ta'minlangan holda nazoratdan chiqarilgan bo'lib natijadorlikka erishilgan bo'lsa, 562 ta O'zbekiston Respublikasi Prezidenti topshiriqlaridan 559 tasi, ya'ni 99,5 foizi bajarilib, 3 ta (0,5 foiz) topshiriq ijrosi ta'minlanmagan va nazoratdan olish bo'yicha Adliya vazirligiga taklif kiritilgan.

Jumladan, O'zbekiston Respublikasi Prezidentining 2024-yil 29-noyabrdagi PQ-410-son qarorining 16-bandi ya'ni suv yo'qotishlarining oldini olish maqsadida 2025-yilda 40 kilometr uzunlikdagi magistral va xo'jaliklararo kanallar, 200 kilometr uzunlikdagi

kanallar hamda ming kilometr uzunlikdagi ichki ariqlarni betonlashtirish ishlarini amalga oshirish topshirig'i hamda 2025-yil 1-apreldagi PQ-132-son qarorining 2.5-ilova 16.2-bandi ya'ni G'allaorol tumanidagi "Qo'ytosh" (10 gektar), "Oqtosh" (60 gektar), "Korizquduq" (18 gektar) MFY hududidan aholiga ijara asosida berilgan 88 gektar yer maydonlarini suv ta'minotini yaxshilash. Yer maydonlarini suv ta'minotini yaxshilashda artezian suv quduqlarini qazish va jihozlash hamda quyosh panellari o'rnatish topshirig'i Suv xo'jaligi loyihalarini amalga oshirish departamenti (N.Xo'jaqulov) tomonidan bajarilmagan.

O'zbekiston Respublikasi Prezidentining 2023-yil 14-apreldagi 15-son bayonining 23-bandi ya'ni suv tanqisligining oqibatlarini yumshatish maqsadida daryo va yirik kanallarni tozalashda Qoraqalpog'iston Respublikasidagi suv xo'jaligi tashkilotlariga zaruratdan kelib chiqib, 20 dona zemsaryadlarni Respublika byudjetidan Suv xo'jaligi vazirligiga ajratilgan mablag'lar hisobidan yetkazib berish topshirig'i Suv xo'jaligida xorijiy investitsiya loyihalarini amalga oshirish markazi (S.Astanov) tomonidan bajarilmagan.

Mazkur topshiriqlar ijrosini barvaqt bajarish bo'yicha oldindan zarur chora-tadbirlar ko'rilmagan, topshiriq ijro muddati o'tib ketgandan keyin ushbu topshiriq ijrosini nazoratdan yechish bo'yicha vazirlikning tegishli xatlari orqali Adliya vazirligiga va Vazirlar Mahkamasiga murojaat qilingan.

2026-yilning yanvar oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini 25-yanvarga qadar ijrosini ta'minlashga qaratilgan vazir o'rinbosarlari kesimidagi Kalendar reja hamda "Yo'l xarita"lar 17-dekabr kuni eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

2026-yilning yanvar oyida ijrosi ta'minlanishi lozim bo'lgan O'zbekiston Respublikasi Prezidentining topshiriqlardan Suv xo'jaligida xorijiy investitsiya loyihalarini amalga oshirish markazi direktori v.v.b. S.Astanov, Suv xo'jaligi loyihalarini amalga oshirish departamenti direktori N.Xo'jaqulov, Suv yetkazib berish xizmatlari faoliyatini muvofiqlashtirish boshqarmasi boshlig'i A.Kulmatov hamda Moliya-iqtisod masalalari boshqarmasi boshlig'i o'rinbosari V.Raximovlar tomonidan topshiriqlar ijrosini barvaqt bajarish bo'yicha oldindan zarur chora-tadbirlarni ko'rilmagan, ijro muddatini kutib o'tirish holatlariga yo'l qo'yilmoqda.

Yuqoridagilardan kelib chiqib, taqdim etilgan hisobot va axborotlarni tinglab hamda muhokama qilib ijro intizomiga rioya qilish borasida 2025-yil dekabr oyida yo'l qo'yilgan sustkashlik, xato va kamchiliklarni bartaraf etish, 2026-yil yanvar oyida "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish hisobiga natijadorlikka erishish yuzasidan boshqaruvning barcha darajadagi rahbar va mutaxassislarning shaxsiy mas'uliyati va javobgarligini kuchaytirish maqsadida hay'at yig'ilishi

Qaror qiladi:

1. *Ijro intizomiga qat'iy rioya etilishini ta'minlash, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosi 2025-yil dekabr oyi yakunlari, 2026-yil yanvar oyida bajarilishi lozim bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish, topshiriqlarning ijrosini o'z vaqtida, samarali va to'liq hajmda bajarish yuzasidan rahbar-xodimlarning shaxsiy*

mas'uliyati va javobgarligini oshirish to'g'risidagi axborot **rahbarlik va ijro uchun qabul qilinsin.**

2. Vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlari tomonidan 2025-yil dekabr oyi davomida ijro intizomiga rioya etish, "Ijro.gov.uz" tizimida nazoratda bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini ta'minlash, shuningdek, vazirlik va idoralar, Qoraqalpog'iston Respublikasi Vazirlar Kengashi va viloyatlar hokimliklaridan kelib tushayotgan barcha hujjatlarning ijrosini belgilangan muddatlarda ta'minlash borasida olib borilgan ishlar **qoniqarsiz deb topilsin.**

3. 2025-yil dekabr oyida "Ijro.gov.uz" tizimida nazoratda bo'lgan O'zbekiston Respublikasi Prezidenti hujjatlari bilan Vazirlikka yuklatilgan topshiriqlar ijrosi kechiktirishiga yo'l qo'ygani uchun Suv xo'jaligi loyihalarini amalga oshirish departamenti direktori **N.Xo'jaqulov** hamda Suv xo'jaligida xorijiy investitsiya loyihalarini amalga oshirish markazi direktori **S.Astanovga ogohlantirish e'lon qilinsin.**

4. 2026-yilning yanvar oyida ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini 25-yanvarga qadar ijrosini ta'minlashga qaratilgan vazir o'rinbosarlari kesimidagi *Kalendar reja* hamda *"Yo'l xarita"lar* 17-dekabr kuni hamda I-II-kartoteka topshiriqlar ro'yxati 24-dekabr kuni eslatma va ijro uchun barcha vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika tashkilotlari rahbarlariga yetkazilgan.

Belgilab qo'yilsinki, O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini belgilangan muddatlarda to'liq va sifatli bajarilishi, shuningdek, ularning ijro holati to'g'risidagi ma'lumotlarning to'g'riligi va ishonchliligiga hamda "Ijro.gov.uz" tizimiga o'z vaqtida kiritilishiga Vazirning barcha o'rinbosarlari shaxsan mas'ul hisoblanadilar.

5. Vazirning birinchi o'rinbosari Z.Ishpulatov, Vazir o'rinbosarlari R.Qarshiyev, O'.Sheraliyev va M.Karimov, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga:

bir kun muddat ichida mazkur yig'ilish qarorini har bir xodimga o'qib eshittirish, uning mazmun-mohiyatini yetkazish, ijro intizomiga rioya qilinmaganda, shuningdek, topshiriqlarning ijrosi belgilangan muddatlarda ta'minlamagan taqdirda intizomiy jazo chorasi muqarrarligi, O'zbekiston Respublikasi Suv xo'jaligi vazirligi huzuridagi Suv xo'jaligini rivojlantirish jamg'armasi mablag'lari hisobidan ajratiladigan mukofot va rag'batlantirish mablag'laridan chegirib qolinishi haqida rasman ogohlantirish orqali barcha darajadagi rahbar va xodimlarning shaxsiy mas'uliyati va javobgarligini kuchaytirish;

2026-yilning **yanvar oyida** ijrosi ta'minlanishi lozim bo'lgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarning 40,0 foizini 10-yanvarga qadar, 70,0 foizini 15-yanvarga qadar, 90,0 foizini 20-yanvarga qadar hamda qolgan barcha topshiriqlar ijrosini 25-yanvarga qadar 100,0 foiz qilib ta'minlash;

O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlarini tahlil qilib, ushbu topshiriqlar ichidan mablag' talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bog'liq masalalar bo'yicha birinchi navbatda shug'ullanib, ularni to'laqonli va sifatli ta'minlash bilan bog'liq chora-tadbirlarni belgilash va amalga oshirish;

har bir berilgan ko'rsatma va topshiriqlarga asosan, ijro intizomi masalasiga yuqori mas'uliyat bilan yondashgan holda belgilangan topshiriqlar ijrosini o'z vaqtida, to'liq

va sifatli ta'minlash bo'yicha ishlarni to'g'ri rejalashtirish, topshiriq ijrosini amalga oshirish uchun eng kam mablag', resurs va energiya sarflanishi zarurligini inobatga olish;

topshiriqlarni ijro muddatidan barvaqt bajarish bo'yicha oldindan zarur chora-tadbirlarni belgilash va amalga oshirish, yuzaga kelayotgan har bir muammoli masalani vazir o'rinbosarlari, lozim bo'lsa Vazir huzurida muhokama qilib, hamkorlik va muloqot asosida hal etish vazifalari yuklatilsin.

6. Vazirlikning 2025-yil 5-noyabrdagi 192-sonli buyrug'i bilan tashkil etilgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ijrosini belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish bo'yicha respublika Shtabi (R.Qarshiyev)ga:

har haftada kamida ikki marotaba O'zbekiston Respublikasi Suv xo'jaligi vazirligining ZOOM platformasi orqali videokonferensaloqa (VKA) shaklidagi yig'ilishlarni o'tkazib, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini tanqidiy ruhda muhokama qilish;

topshiriqlar ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash, qat'iy tartib, intizom va tizimli nazorat o'rnatish hisobiga natijadorlikka erishish yuzasidan Qoraqalpog'iston Respublikasi Suv xo'jaligi vaziri, irrigatsiya tizimlari havza boshqarmalari, vazirlik tasarrufidagi respublika va tizim tashkilotlari hamda "Suvqurilishinvest" davlat muassasalari rahbarlarining shaxsiy mas'uliyati va javobgarligini kuchaytirish;

ijro intizomiga rioya qilmayotgan, "Ijro.gov.uz" tizimidagi O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlari bilan vazirlikka yuklatilgan topshiriqlar ijrosini ta'minlashga e'tiborsizlik va mas'uliyatsizlik bilan yondashayotgan rahbar-xodimlarga nisbatan tegishli intizomiy jazo choralari qo'llash yuzasidan Vazirlik rahbariyatiga asoslangan xulosa va takliflar (*intizomiy jazo chorasi qo'llash yuzasidan buyruq loyihasi*) taqdim etish vazifalari topshirilsin.

7. Vazir yordamchisi S.Alimov hamda Tashkiliy-nazorat va tahlil bo'limi boshlig'i M.Ibragimovlarga:

Suv xo'jaligi vaziri Sh.Xamrayev tomonidan tasdiqlangan I va II kartotekaga kiritilgan O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining topshiriqlari ro'yxati, Kalendar reja hamda vazir o'rinbosarlari kesimidagi "Yo'l xarita"lar ijrosi yuzasidan kunbay tizimida tizimli va qat'iy monitoring yuritish;

qonunchilik hujjatlari va topshiriqlar ijrosi bo'yicha "Ijro.gov.uz" tizimiga kiritilgan ma'lumotlar va tasdiqlovchi hujjatlarga asosan topshiriqlarni nazoratdan yechish yuzasidan O'zbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

O'zbekiston Respublikasi Prezidenti, Prezident Administratsiyasi rahbarining va Vazirlar Mahkamasining hujjatlarida belgilangan topshiriqlar ijrosini ta'minlash bo'yicha olib borilayotgan ishlarni muntazam ravishda (*har oy yakuni bilan*) tahlil qilib borish, ushbu hujjatlarning ijrosini ta'minlash yuzasidan olib borilayotgan ishlar haqida vazirlik rahbariyatiga axborotlar taqdim etish vazifalari yuklatilsin.

8. Mazkur qaror topshiriqlarining ijrosini tashkil etishni vazirning o'rinbosari (*ijro intizomi uchun mas'ul*) R.Qarshiyev zimmasiga yuklatib, uning nazoratini o'z zimmamda qoldiraman.

Hay'at raisi

✍: M. Ibragimov
☎: (71) 202-47-07



Sh. Xamrayev